



Inversion di famia Habibe ta refleho di resultado di encuesta di Banco Central

Coming soon



iStore
ARUBA

Like us on Facebook!
www.facebook.com/istoreaua
and follow us twitter
@istorearuba

Pontón 67b | 588.2167 | info@istorearuba.com



Authorized Reseller

DURANTE e conferencia di prensa dialuna mainta na sede di ex-Nicky Habibe Jr. Building, Prome Minister Mike Eman a indica cu e inversion di famia Habibe y Amundaray den e restauracion y renobacion di e edificio historico ta un refleho di e resultado di confianza economico realisa dor di Banco Central. E resultadonan di e encuesta a keda publica recientemente y ta duna cifranan positivo pa loke ta expectativa di comerciantenan pa e futuro di Aruba.

“Nos ta aprecia cu famia Habibe-Amundaray a pone un biaha mas nan confianza den e economia di Aruba,” asina Prome Minister a bisa haciendo referencia na historia di Sr. Nicky Habibe Jr. (q.e.p.d.) kende tabata un pionero den comercio local, como fundado di e prome supermercado self service na Aruba.

Na opinion di e mandatario, Sr. Raul Amundaray, nieto di Habibe, ta carga e mesun sanger pionero ey. Amundaray ta encabesa e proyecto cu no solamente ta restaura e edificio den su arkitektura art deco, pero tambe ta renoba e localnan na e piso abou mientras cu na esun ariba ta pa construi apartamento. E plan ta sigui e vision di Gabinete Mike Eman

pa henter caya grandi no ta solamente un area comercial, pero cu e ta wordo revitalisa cu convivencia na cualkier ora di dia.

Tambe e mandatario a haci mencion cu e confianza demostrador di famia Habibe y Amundaray den e proyecto di renobacion di Caya G.F. Betico Croes y henter Oranjestad ta un ehempel perfecto cu ta refleha e resultado di un encuesta realisa dor di Banco Central. Anuncia recientemente, e entidad bancario mas importante di nos isla ta indica cu e encuesta ta duna como resultado cu despues di un periodo dificil cu nos pais a pasa aden, ta mira claramente un mehoracion den e confianza y optimismo di parti di e sector comercial y industrial di e isla.

“Cu awe nos ta para den e edificio aki ta un refleho cu e encuesta cu Banco Central a caba di publica caminda cifranan ta demonstra un aumento di e confianza den e futuro di e pais y con comercio ta bayendo aworaki, den comparacion cu e aña anterior,” Prome Minister a indica. “Tin un progreso remarcabel cu ta pone hopi cla cu Aruba ta conociendo poco poco un periodo atrobe cu ta habri cu optimismo y un confianza renoba,” el a añadi.